

155b 14 mangkana ling Sang Hyang Widhi, mapga manah Sang Ardjuna, sigranembah saha pudja
 15 pasanta, tkeng mudra karanya kabeh, ling Sang Parta, sadnja Bhatara Widhiwasa, ka-
 16 di taning rat i sreda sih Bhatara ri pinakanghulun, nihan si Parta saksat muda dur-
 17 jasa, aminta sapawkas Bhatara mangke, panglepasaning sarwa mambekan, i pasamuliha-
 18 nya, atmaning sarwa winunuh, wara prasada Bhatara, mangkana ling Sang Kiritya.

19 Waradakiwi nuyuktan, udaram swera diguhyam,
 20 karahitah pranyantakam, praliye garba mapnoti.

21 Itjambekira Sang Hyang Tunggal, irika winisakan Sang Parta, tinuntun ma-
 22 reng sunya-desa, wineh weruha ri kalinganing dedi kabeh, sinung panglepasaning sar-
 23 wa wastu, mwang ri klistning sandi pati, ri huwus sinung nugraha, modjar Sang ^{Hyang} Tung-
 24 gal, indah kamung sarwa sato mwang paksi, *kita* punyangku ri Sang Pandawa, haywa ki-

156a 1 ta sabuta, kami mangawera uripta, pinaka rumihing yadnja karya, kita sinung pangle-
 2 paseng Maha Pandita, wenang luputa sakeng walu karnawa, mangdjadna kita manusa dila-
 3 ha, mangkana ling Sang Hyang Taya, misingsih tang pasu paksi kabeh, kumon ta Sang
 4 Ardjuna umengaken lawanging pandjaranira, pada kinon tang mrega paksi nusandjingeng
 5 djroning kurungan, mangkana ling Sang Hyang Widhi, tutut badingning mrega paksi, we-
 6 ruh unasukaken awaknya mareng djroning warangka, genep warnanya kaya ling Sang Par-
 7 ta dangu, suka twasira Sang Banandjaya, mwang Sang Djaya Pretama, pada ngaturakon
 8 bakti ri Sang Hyang Widhi, suksma Sang Hyang Taya tan pahamngan, tusta girang twas
 9 ira kang bretya kabeh, an seliholih hira tan sangkaringel, sigra wawang pada muli-
 10 ha, pada nawetwa-wetwanudjar, palaning sang darma satya, tka tan pasangkan pinet,
 11 byatita lampahira ring awan, tandwa dateng ri Astina Pari, sampun tuaseng Radjya

156b 12 dani, mangayapi Maha Radja Darma Putra, sputatarata denira modjar, niya ta naturu-
 13 nira Sang Hyang Widhi, asung nugraha lawan panglepasing sarwa prani, tlas winarah-
 14 aken de Sang Ardjuna, tustambek nira Sri Yudistira, runga wretanira Sang Hyang
 15 Tunggal, len tekang wang padagya mulata iyulihulih Sang Parta, sesining Wana Tjala,
 16 kapuhan tang wang tumingal, ri prawalaning pasu paksi, pada sampurna kabeh, kadi
 17 hingwaning wang malawas, tan hana mambek irsya lawanipadaning rowang nira, pada tu-
 18 mungkul amla alasaken manahing tumingal, heneng akna tang kata wekasan.

19 Sruyatan mandala sotjyah, dwingsat bage katjasutah,
 20 waskambo prana sesasyat, tjandi rakaatume tjakruh.

21 Wuwus ikang lemah payadnjan, hana ring tegal Sutji ngaranya, sampun tiniban
 22 hukur de Sang Resi Katja Putra, pada rwang windu, lbaning pangrat panglarinya, pa-
 23 da inguripan ikang rwang bagiuuka, winehan sesa maka rwang baga ring dagan, imper

157a 1 sayodjana lebanikang lemahing payadnjan, winindwan mapager tjampagi, Tjinandi lwir
 2 ring paduraksanyeng sungut, pinastikan selwaning radjyadani, mwang panangkurnya sa-
 3 kanda-kanda, genahing yasa sanggrahan, kikiis pindaning lawang menga, pring inanan
 4 wangunanyeng gopura, akveh lwiring yasa sanggrahan, mwang warung geng ruhur, ane-
 5 ngenaken sanggarakasa, pakuloning larungan, tjinandi mineru sawelas, parintjining
 6 kalpasan pinda atepnya kabeh, mwang pawiramaning sang asudja, pada mageng aruhur,
 7 mabinda naga lepawawar djanur, winuwungan sarwa petak, prasama sampun snada, esuk
 8 sore pwe kang sarwa silpika, mwang palatanda, Tjitrangkara, watek naboga tasik ring
 9 kayu-kayu, tan hana karya durgati tekapnya, iveruhanira Sang Prabu, sarih gunaning
 10 wadwa, an pada wineh pala bukti, apan ikang wang maguna pinaka uriping rat kabeh.

11 Paryayan sranu tepunah.

- 157b 12 Pagantyaning kata muwah, sira Bhagawan Krepa tjarya, Bhagawan Sutjika, Bha-
 13 gawan Sidayoga, Bhagawan Katjunda, sira sambaraning yadnja karya, tuaut Bhagawan
 14 Donya, pinaka saksi Bhuta, agyameda yadnja santikanira, inuraken ri pangutptyaning
 15 puspa lingga, ring Daksina muka saprakara, pada binuktyanikang Bhuta kabeh, lawan
 16 tang honyan honyan subada, ndan ri huwusing angaywaning puspa lingga, mwanng panga-
 17 tjaraning pangabedjyan kabeh, irika matjamana maha sudi ngaranya, sakwehing pusadi
 18 kabeh, sadatengeng pangabedjyan, mapradaksina ring larungan, angiderana gowini swe-
 19 ta, tekeng mulya tapaknya nyatur desa, dinuluring pusadi kabeh, mapradaksina ping
 20 trini, ginwal tang tabang-tabang, sinamening gita pralambang, salwiring nabdanyaruma
 21 nis, lumaris tang pusadi pada mungghang larungan, sang pinaka mukya Bhagawan Bisma,
 22 Drona, Sri Pandu, Madri, Wirata, Pantjala, Amadra, mwanng watek Radja Putra, wakadi
 158a 1 Sang Duryodana, Karma Dusasana, mwanng antenira kabeh, Sang Pantja Kumara, Abimanyu,
 2 Esiti Sunari, Gatotkatja, Dimbi, lyan tang para Ratu sang mating rana kabeh, mwanng
 3 tanda Mantri semuha, akweh yan wuwusen, pisan pinagawayaken pudja pitra tarpana, tan
 4 pahingan kaparipurnanya, apayapan saka kwehning druwyanira sang Adi Nyang, pada i-
 5 nentyakenira kabeh, tanopen tekang mulya sakeng maha Radja Yudistira, kadi mega ma-
 6 nguśanaken, mangkana denira woh dana, kawahan ta sang Brahma, mwanng sang para Na-
 7 ta, len tang tanda Mantri, tekeng sena Bretys, pada mukti pala bodjana, tan pai la-
 8 wan wah salwiring dana punya, pangdani Maha Radja Kresna.
 9 Paratnara pala wastro, mfedanggandingda sonah,
 10 gawa swa makara wartah, ninaho madjalnawah.
 11 Hananawida ikang mas pinaka dana denira, ya tika kaharan maharnawa, ikang
 158b 12 ratna lawan wastra wrehnya, ikang gawaswa lawan kanyaka yeka wulaknya, tumurun
 13 tang Sapta Resi Gana, mwanng Tjatur Lokapala, kalawan Bhagawan Nilakanta, pada nasan-
 14 tya djaya-djaya, lumraken puspa warsa sakeng Gagana-tala, nastwaken dana punyanira
 15 Sri Bretarasta, Candari, Kunti, mwanng pangasirwada Sri Yudistira, matrigantja, ma-
 16 nista madya motama, maka manggala Bhramana Keatrya, Partiya sanggya, mwanng Senapati,
 17 pada kawahan bukti, tan warnanen prabedanya, sira sang tjatur Pandita, sambaraning
 18 yadnja karya, amari-wretani sang tjatur Bhuta, sasesaning puspa lingga ika, kadadya-
 19 ning Pitra Sanggya, sinadjening tutwan, katengen sakeng pusadi stananya, mwanng sadji-
 20 sanggraha, nguniweh tang tutwan, sinanggraheng lawangan, pastananing pandaakurung,
 21 sadjianing sang Kalapati ngaranya, genep tang ninivedya kabeh, tjinandi sowang, rya-
 22 reping larungan, pangguruyaga mwanng puspa idjo, papanya roro, sinurati stri kakung,
 159a 1 pada ngarepaken sadji tjatur warna, maka mataya secening Sagara Gunung rinatjana, i-
 2 kang sarwa sutji telas pinudjeng tjatur samadi, sultan, tistan, bodjan, gandjan, te-
 3 las kabwataning pitra kinaranan, maka djadjeneng Sang Nyang Giripati, mwanng Sang
 4 Nyang Pradjapati, siniksan de Sang Nyang Siwa semuha, karuhun Sang Nyang Pratangga-
 5 pati, saha Arda Kareswari sira, pada sinembahaken ryanak putunira Sang Adi Nyang,
 6 sang mungwing lingga pusadi, maka sopana Sang Nyang Kuta Mentra de sang Dwidjarsi,
 7 akweh yan wuwusen kramanya.
 8 Eka dipam dwitam kale, amam bodjantu byadayah,
 9 tjartjitan sarwa bawesu, idam watjastute wudah.
 10 Endjangnya nembang ngaranya, pwanngakak ngaranya, sari-sarya ingidjen sadji
 11 tjatur warna, dinulur abawahen ngaranya, mwanng honyan honyan, sari-sarya Mpu Danghyang
 12 amisikana sang Dewa Pitara, mantukeng sunyata, irika sang Pandita, amuktyaken sadji

159a 13 liwet, mwah amisikana Sang Dewa Pitara, i telas mangkana, lumekas winaweng Samudra,
 159b 14 mwah angarepaken sadji newedya, angiringana sanggar tawang tigasana, sopatjaranya
 15 genep sutjinya kadi nguni, irika sang maha Pandya mudja ngartjana Sang Hyang Baruna,
 16 mwanng kala sunyastawa, aminta kalpasan sang pinilepas, apan Sang Hyang Baruna aning-
 17 kah pasuk-wetuning dadi, sang saksat Brahma Wisnu Iswara, angrehaken pantja tan mata-
 18 ra, mwanng pantja Maha Bhuta, mahyun angelaraken pantja kabeh, tan wenang sira lineasa
 19 san. Kunang yan hana wang mayadnja Dewa, mwanng Pitra Yadnja, tan pasaksi Sang Hyang
 20 Baruna, mwanng Sang Kala Sunya, katekan huwusing swakaryanya, matemahan rug tan pa-
 21 djamuga, mangkana tantunya nguni.

22 Dedjajo lawano stotram, Kala Sunyan saritpatih,
 23 niwedjam guhya niwedjam, atma-tatwatma gastjati.

24 Kunang sira sang amudja ri tepining Samudra, maka muka tang Barungastawa,
 25 Ganggastawa, mwanng ri Sang Saptarsi, katekeng Taksakanantabogastawa, mwah pangelem-
 160a 1 nya, kawyapakeng Kala Sunyastawa, Niniwedyanikang Niwedya kabeh, irika Sang Yadja-
 2 nana manglepasaken Sang Dewa Pitara, denya weruheng Tjatur Gangganya, mwanng bapa ba-
 3 bu kaki nini, tekeng yuyut lanang wadon, mwanng ri suksmaning marga ri pasurupaning
 4 wayawan, maka don sang Pitara mantukeng Sunya Taya suksma, i telas mangkana turuna-
 5 kna tang puspa lingga sake larungan, gineseng ri tepining Samudra, tekeng larungan
 6 silwa gineseng, kunang astining puspa lingga, winadahan tjenggiring nyuh danta, ti-
 7 nutupan udjunging aryan, winungkusing wastra pinge, mwah sangiraken tekenya nguni,
 8 pada wineh kaglaraning sadyot keranti, patakna ring telenging Samudra. Mwah ri teka
 9 sakeng Samudra, anlayagine warung paganing payadjan, mwanng tatebunan sidakarya,
 10 arpanaken ri Sang Hyang Maheswara, apan sira panglepasing Dewa Pitara, makanana Sang
 11 Hyang Pradja Pati. Ndan mne anti tigang ratrining dina diwasa, mwah angaturaken
 160b 12 padjati ring Sang Hyang Baruna, ngudjaraken sanjasaning karya suda, samangkana we-
 13 kasning Kunti-yadnja ngaranya.

14 Amas teyah tjate sarwah, Dretarastra natra Dewi,
 15 tasyan Wanawasa teyah , Widura Sandjayah pastja.

16 I sampun sira weh dana punya, irika Sang Dretarastra, lumampah ta sirawana-
 17 wasa mwanng Dewi Candari, tumut Bhatari Kunti, keringing Sang Widura Sandjaya. Ri
 18 lampah Bhatari Kunti mawana-wasa, aroharyabek nira Sri Yudistira, manangis ri tu-
 19 mutaken sira, mwanng Sang Bima Ardjuna, Nakula Sahadewa, mwanng Sang Droupadi Sang Yu-
 20 yutsu, kapwanangis matut awan, ar tan wenang sinayutan lampah Bhatari Kunti, tumuta-
 21 ken kakanira Sri Dreta Pura, amanganakna tapa ri Wana Cahana, mawit ta Sang Pantja
 22 Pandawa ri telas manambah ri sang haneng Asrama, irika katon tjihna sang weruheng
 23 hadji, tan melawas pwa sira, tusahen taken lara dukka.

161a 1 Sitapetana twa djendrah, Yudistire Djanardana,
 2 yuga pat partiwastitah , tjatur kalepaswa dyayah.

3 Kemantyan ta Sri Yudistira, mwanng Maha Radja Kresna, sinengan tekang para
 4 Ratu samuha, sahebing Astina Pura, kula sang pedjaheng ranangga bumi, mwanng tekang
 5 para Radja Putra, kateka tekeng Tanda Mantri sadaya, wawang prasama dateng, tumameng
 6 Radjyadani Astina Pura, yan pira kunang kwehing pawula, katureng Maha Radja Yudisti-
 7 ra, tan wuwusen prasama ngayap ring tangkil djeng, saksat Indra Djanardana sira ka-
 8 lih, inayaping watek Candarwa Surapsaragana, sinahayan de Sang Tjatur Pandawa, in-

- 161a 9 per Sang Hyang Prabantjana pakatonanira Sang Bayu Suta mwanng Sang Ardjuna, Sang
 10 Hyang Agni djuga sira, apan hanang gnyastra ri sira, kunang Sang Nakula Sahadewa,
 11 Sang Hyang Aswinodewa wataranira.
- 12 Djagat patintja widnjeyah, sakti bratnana pungsakah,
 13 tadjudje mantrya kulastja, bretya patih samudyate .
- 14 Hana gosananira Sri Maha Radja, sang amuterong Astina Pura, ri para par-
- 161b 15 tiwa sanggya, katekeng kula Putranira sang pedjaheng ranangga madya, ling nira;
 16 indah ta kita sang para Ratu samuha, mwanng kula putra sang pedjaheng pabaratan, a-
 17 ywa kita tan protsaha, i gudakaraning hulun lawan kita, apan nora wang wanehan ina-
 18 rep-arep tekapinghulun, amerih sukaning buwana, apan swa kulaning kasatrya djuga
 19 kavenanganya, pinaka Nataning Nagara, kadi ling Bhatara Brahma nguni, purwakaning
 20 tjatur wangsa kabeh, ndya kalinganya, swantahankwa lingan ta ring kami, niban ngu-
 21 ni Bhatara Brahma, ri huwusing anresti Bhuwana, kadi linging Brahmanda Purana, mu-
 22 wah sira mayoga, Sang Hyang Adi Suksma stitinira, tjatur Dewangsa sariranira, mate-
 23 mahan sira matjatur muka, matjatur budja. Iswara yoga samadinira, midjil Sang Brah-
 24 mana, sakeng badjra mudranira, kinoniramagehakna kadwidjatinira, muliheng padma mu-
 25 dranira yan ri wekasan. Wisnu yoga samadinira muwah, midjil sakeng rika, midjil
- 162a 1 tang Ksatrya sakeng tjakra mudranira, kinonnira dadi Nataning Rat kabeh, stiti ma-
 2 haywang Bhawana, wenang madwidjati sira. Muwah Brahma yoga samadinira, midjil tang
 3 Weeya sakeng danda mudranira, kinonira magaga sawah, angipuk salwiring pala bungkah
 4 pala gantung, magawe naboga/nira kabeh. Maha-Dewa yoga samadinira, midjil tang sudra
 5 djanna, sakeng pasa mudranira, kinonira akraya wikraya, sangkaning upaboganira Sang
 6 Prabu, ngamredyaken mulyaning rat kabeh. Samangkana kita sadaya, purwakaning tjatur
 7 wangsa kabeh, yan pira kunang Bhatara Brahma, magawe kwehaning tjatur warna, donya
 8 ngebekanang Bhuwana, pada winch karma sesananya sowang-sowang, winch trigantjaning
 9 Basawahya, pada tan winch wiparyaya karma, samangkana kapwa kita para Ratu kabeh,
 10 denyan akweh kulaning Ksatrya, hanan tjatur dassamanu, hana Wisnu-kula, lawan Surya-
- 162b 11 wangsa mwanng Somawangsa, djatinya tunggal sang para Ksatrya kabeh, kewalya yasa kir-
 12 tinya dumadyaken, hananing naprabeda, wenang manista madya motama. Adyapi Sang Brah-
 13 mana, akweh kulaning sang Brahmana, hana Bregu-kula, hanan Kumbayoni, waneh midji-
 14 ling tedja sira, djatinya tunggal pada Brahmana sira, yasa kirtinya dumadyaken sira,
 15 kumwa kalinganya kita sang para Radja, apan kita wenang ling nira Sang Hyang Widhi,
 16 pinaka ratwaning rat kabeh tatwanira, ya pagehakna ring kadi kita mangke, kadi ka-
 17 witanta nguni. Kunang mangke, kita pisabaran mani, dumadyaknang djagat, pahadjengen
 18 tang Bhuwana, pangalusan bapanta ringatita, gumega sesananta kaprapun, glarakna tang
 19 hadji kaste swaryanta, mwanng Sang Hyang Astabrata, kami amangunakna swadyayanta ka-
 20 prabun, wenang kita amilihana, ikang wenang ri hidepta, sang pinakanta haneng swa-
 21 pora tekeng tani dusun, kami amahutana, salinganta kabeh aywa sarag denta mangen-a-
- 163a 1 ngen, apan gunaning sabda swang ulah, idep kawenanganya rumuhun, aywa salah denta
 2 mangidep, yan salah denta nudjwaken hru, heman kotamaning panahta, waranugrahanira
 3 Sang Hyang Brahma dangu, wenang kita sipanggah Brahma tjatur, Wisnu tjatur, wenang
 4 kita magawe wangsa tjatur warna, sahobing poranta yateka wenang pagehakna denta,
 5 mangkana ling Sri Astina Pati, hinaywan de Maha Radja Kresna.
- 6 Dawatjyah sarwa teunah, natjawika satehostah,
 7 nutulyah pate treda yesu, pramantah taganam badjet.

- 163a 8 Rep umeneng tang para Ratu kabeh, tan hana wenang mungkab padma mukanya
 9 salah sawidji, lwir ginutuk tang hredaya, umenebneb Sri Mehayapati, mwanng Sang Dja-
 10 ya Pretama, Malawa Suta sira, mwanng Sang Wikramadjit, Ratu Singala sira, huwusing
 11 mangen-angen, modjar ta sira; sadnja hadji Sang Hyang Hyanguing Astina Pati, tanga-
 163b 12 tanga sembah patik hadji katiga, saksat cituli kagenteran, matra-matranya djuga ka-
 13 renga de patik Bhatara, apan saksat Brahma Widhi, Sri Hadji mawatjana, yangde res-
 14 tah manahing sarwa mambekan, hana suka twasing patik Bhatara, denyan muda tan pahi-
 15 ngan, tekwan wenang sumangga pangupadesa Parameswara, amisinggih sawuwus Parameswa-
 16 ra, apa doning mangkana apan Sri Maha Radja, pinakatma bahistjara haneng Tri Manda-
 17 la, angrehekna sarira mami, ndan mangke djuga kami weruha, i kadurlabaning maurip,
 18 arep winarahan ring kalinganing maurip, amoga kampiramatra hisning darma Parameswa-
 19 ra, ri kahinapunyan patik Bhatara, kadi ling Parameswara, yasa kirti kamulaning
 20 wang sinanggih Ksatrya motama, kalinganya tapwan hana ngke ring rat, djati semara
 21 ngaranya, yan lena ri sarira Sri Bupati, apan Parameswara kang sinangga Ksatrya uta-
 164a 1 na, darma murti sarira hadji, numindeng Bhuwana, Parameswara wenang sinanggih tjakra
 2 warti, ta molaheng Bretawarsa, kunang sang wenang pangasrayan hadji, tan hana wang
 3 wanahan, yan beda ri Sri Maha Radja Kresna, manambah kami ri padanira, apan Wisnu
 4 murti sarira nira, siya sang wenang marekang Bhuwana, sangkayangdjambat wuwus patik
 5 Parameswara, kunang sang Ratu wanahan yan hanang wadaka ri hatur patik Bhatara, di-
 6 dine si kami djuga katiga, sumungkana ri pada pangkadja hadji, maniwi sih Parameswa-
 7 ra, katka tekeng pedjah mami dila, punah-punah pinaka tjara de Bhatara Darma, sang
 8 satya ri wayawa Parameswara, aywa Sri hadji ngasorana wuwus ring pinakanghulun,
 9 apan Sri Harendra maka drewyang uriping rat kabeh, mako padyaya sang tjatur djanma
 10 ngaranya, mangkana ling Sri Mehaya Pati, mwanng Sri Malawa Suta, katiga Sri Wikrama-
 11 djit, Ratu ri Singala Pura sira, ingaywan sawuwus nira denikang Ratu makabehan,
 164b 12 kelawan Radja Putra makabehan, mararen pada ngaywani, tkeng Patih Tanda Mantri maka-
 13 behan, sumuyug sadrengatwang, i pangudasina Sri Yudistira, manambah prasana gorawa tu-
 14 mungkul.

15 Utjintah darma makyena, kakusah partiwo tasaa,
 16 sangatetja itam ahan, Darma Radjastu utjyate.

- 17 Gumanti Sri Yudistira^{sira} modjar; indah ta kita sang para Ratu makabehan, pado-
 18 bayahita ri sabilasaninghulun, hana ling Sang Hyang Preta Radja nguni ring kami,
 19 sampun sinanggrahong lepihan, kamiakinon lawan kita sadaya, mrayogakna ikang karma
 20 sanyasa, gumalaraknang pantja yadja karya, ndya karma sanyasa ngaranya, swantahan te
 21 kami bihan ta lwirnya, inupasuba sariranta pretamaning rare midjil, lawan tang stri
 22 yowana, kahadang angradja-swala, wineh niwedya PUDJA KALIB ngaranya, muwah yan sang-
 23 gata-karma, pudjanen tang niwedya SEMARA TURIDA, inadjengan de sang sadaka, tigang
 165a 1 sargah parintjinya, sanyasa ngaraning MANUSA YADJA ngaranya, panjuda-malaning sari-
 2 ranta, midjileng bage-wasa nguni, bapa ibunta maka drewyang karma-sanyasa mangkana,
 3 kabwataning pabehyana putra motama.

4 Nagate pita matatwan, praling ye putra karnesu.

- 5 Ndah ri wekas i patyaning yayah bibinya, anaknya makarma sanyasa, yasa PANTJ
 6 PARAMARTA, panahuranya ring rama rena, tigang sargah parintjining prateka, pinaka pa-
 7 njuda-malaning atma yar lpaseng madya-pada, mawasana gati pantja sangsara, lpasen de
 8 sang sadaka, PITRA YADJA ngaranya, lwiring karma mangkana, sangkayaning hanak putu-

165a 9 nya pangalyani mata pitanya, maka sopana sakti bakti ring kawitan, sang sampunadi
10 Hyang.

11 Namaste manisi yogi, djaginam sanyasan dehi.

12 manewita pwa kita ri Sang Pandita Sewa Sogata, sang wreda huwas kapandita,
13 ngarpanaken pwa karmanta, dinulur tang bhoga-upabhoga mwanng dana punya, saka wenang
165b 14 denta manista madya motama, apan sang Brahmana Pandita, tinuduh de Sri Djagat-Pati,
15 pinaka patirtaning rat kabeh, wenang manjudamala wang maurip katekeng pati, manra-
16 yastjita sadjining Hyang, mwanng Bhuta Tarpana, RESI YADHJA ngaraning yasa mangkana,
17 sidaning amanggih sadyuh.

18 Kenastjit Dewa karnesu, ksetre mayam stito Dewi,
19 mahidjanesad garbetu , Dewa laye witjitjintyadjet.

20 Kunang waneh pra wretinta, saduluk-saduluk pradesanta, wangunakna Ksetra,
21 mwanng Sad-Kahyangan, lwirnya nihan; Balem, Panataran, mwanng Desa, Puseh, Bale Agung,
22 mwanng Panghuluning sawah.

23 Punah garba laye sarwah.

24 Kunang ring pagrahanta kabeh, tekeng Pura dusun dusun, kinon ta nagawe Sang-
25 gar Dengan Kabuyutan, mwanng Pabhutan, panagehing karang pomahan, binantenan sege sa-
26 kepel esuk-sore, apan yadnja SEBA ngaraning bhodjana, ikang pinanganta lana, nitya

166a 1 ya pangidepta, katur ring Dewa Bhoganta karuhun,

2 Etani Dewa Dewi byuh.

3 Kunang prasangkyaning Dewa nihan, sira Bhatara Siwa Mahadewa, hana ring Pa-
4 nataran, sira Bhatari Durga mastana ring Dalem Tjungkub. Bhatara Siwa-Iswara, sira
5 ta molahing deca. Sang Hyang Ganapati, haneng Puseh Siwa garbani. Bhatara Bra Galu-
6 ngan, ring Wesma Agung stananira. Bhatari Umadewi, sang astana ring panghuluning te-
7 gal-sawah. Bhatara Wisnu, pinaka lingganing Dawahan. Kunang Bhatara Tri Purusa, si-
8 nembahing Sanggar Kabuyutan, ikang sinanggih kamulaning wang kabeh, maka wahana tang
9 Pantja-yadnja karya, maka tjara tang sarwa Bhuta kabeh, kalinganya pada tan wenang
10 kinas.

11 Tri gantja Nini wedyantja, artja pratima rewatja,
12 nivedyan twa djagat-pati, loka pra kreti widnjeyah.

13 Kunang prawalening Sad Kahyangan, tigang sargah parintjining wedananya, ka-
166b 14 nista madya motama, lawan wenang kita sarupaning Dewa sinembahing Djagat kabeh, ngu-
15 niweh wangunakna Dadya Kahyanganta sowang-sowang, wenang kita maeres-mresana Bumi
16 mwanng Tegal sawah, tekeng Sagara Danu, gaweyanta pamongmong Widhi sahananya, sungana
17 tegal sawah pinaka Dewa Swa ngaranya, nganutaken soktaning sastra Widhi krama, akweh
18 yanya wuwusen muwah. Kunang gusenakna mangke, gawayen sahakrama rumuhun, sama, dana,
19 sandi, wigraha, tata knanta rumuhun, syapa wenang adnja langgyana ri kita, warahaken-
20 ta ring kami, kami rowanganta magopita maprasanggya. Kewalya usaha sama dananta ring
21 rat, samangkana deyaknanta purwaka, nahan ling Maha Radja Astina Pati, misinggih Sang
22 para Ratu sira kabeh manambah mangabiwada sadara.

23 Natyarwan watjika paknan, tatpurusa dana patih,
24 iranyam wara mrete byo , adyapa ketjagra hyate.

167a 1 Tan warnanen lwirning sadji pananggraha, sakramaning Ratu subala wirya, manembah
2 manwit pwa sang Ratu sadaya, pada sinung adnja kmitan, kabisekaning kadipatyan, ma-
3 ka drewyang punpunanye nguni, tan winoh wanglari padanya ratu, sidi sakti adnjanira
4 Maha Radja Astina Pati, amagehaken Sang Nyang Darma castra.

5 Astjasyat daranam wiwardjita sudan warsetu adwapakan,
6 mewam Pandawa gastjati manudjano mantah suwandah tatan,
7 srepyate matjiran sada wreta midam sakrena djananggamah,
8 senabih djigisuh nuyukta daranam pra pwastja karandjita.

9 Tan wuwusen sampun pagantya gantyaning tahun, akweh sampun sampurna prate-
10 kaning swa karma sakarya kabeh, si Trikaya parisuda, mwaah ta Sang Tjatur Pandawa,
11 inutus de Sri Astina Pati, manglawadi tang pradesa, ikang wang turung manuteng kar-
12 ma sanyasa, denya katur ring Sri Maha Radja, ri sang amutereng Astina Nagara, ya ta
167b 13 donira Sang Tjatur Pandawa pada adudwan lampah, kalungang-lungang lakunira Sang Bi-
14 masena, amanggih ta ya Buni ring Ersanya-desa wekasan, abra sinang abaning desangka-
15 na, maleba maratapa ri Mandalanya, banjunya malandung tananangsai, lumaris ta Sang
16 Wrekodara narangkana, atandesgresik larining margangkana, apan manda ri lebak hu-
17 nuraya, Sagara Gunungnya tan madoh dahat, lumaris ta Sang Binatut awan, mananggih
18 ta ya wang roro, magunita ri soring taru hungu, marangka ta Sang Bimasena, ri sani-
19 paning wang roro, mararyan ta sira amrihaken dawak, ikang wang kalih nawarah tayong
20 arinya, ling nika, yayi Wisnu, hana wreta rinengenta yayi, Sri Astina Pati rakwa,
21 anglaraken Widi-wedana mangke, weruha pwa kita yayi Wisnu, ling arinya.

22 Nuyuktan gadjate wakayan.

23 Singgih kaka Brahma, weruh arinta, i tatwa mangkana, tingkahing wang magawe

163a 1 Sanggar Dengen, tanurung magawe dwaparaning idep, mangkana swadjati nika, yan ring
2 Sanggar Dengen paraning idep, saking ngke mulanya nguni, apan akweh swabawaning
3 wang ginawe de Bhatara, akweh swakaraning Dewa dening wang, denyan akweh sunyaning
4 sunya, linging tutur, syapa weruh ring warnaning Dewa, manahnya dawak magawe Dewa,
5 agawe paranta magawe Sanggar Dengen, yeka gawenen banten, sang apa kaweruhanya, tu-
6 marisa kang banten, awaknya dawak tan kaweruhanya ginawaken banten, ndan kurang
7 lewihing wedananya, awaknya djuga amangun suka dukka, tan hana Dewa mananggah ku-
8 rang lewih, adyapi sang sinanggah Wiku amudja banten, yan salah pudjanira, tan hana
9 Dewa ngudjaraken salah tikang pudja, sira dawak djuga weruha ri salah knanya, mang-
10 kana kaka Brahma.

11 Pranodan Brahma wakayani.

12 Ling Sang Brahma, tahu yayi Wisnu yan mangkana, apa doningwang mangkana,
13 yaning wang muda ngasraya ring Dewa Dewa muda nganugrahe sira, yan wang pradnja
163b 14 ngasrayeng Dewa, Dewa pradnja nganugraheng sira, apan Dewa nguni mulaning sarira,
15 sarira djuga mangke mulaning Dewa, tan sudya tjita kakanta yeka, ri kang wang maga-
16 we banten, ngabakti ring Sanggar Kabuyutan, apan haneng sarira ikang Dewa mangke,
17 ring sarira djuga uliken, sinuda ring tutur MAYA SUKUMA, henak ta den ta yayi ange-
18 laraken hadjinta.

19 Swanah Brahma tjate Wisnu, teya tjakah narah tatan,
20 darsanam kaya wisrahan , sanggramentja dire dirah.

21 Woya ling Si Brahma, wong aparan hane samipanta, darsani ya widwani panga-

169b 22 waknya, menggep weruheng sarwa yuda, lah takonana yayi Wisnu, lingnya Si Wisnu, in-
 23 dah ta kita wong aparana ta kita parangke, apan tan hana wong mingkene rupanya ming-
 24 hanangke, ndak warah duga-duga.

25 Bayu Sutastu mewatja.

26 Ling Sang Arya Bima, kami satriya Pandawa, panggulu Sri Yudistira, maka nga-
 169a 1 ran Binasena, kunang kita wang aparana kawanganta maka rwang siki, udjarta rinengen
 2 maai, hana Brahma hana Wisnu lingta, ndak warah kawanganta, sumawur Si Brahma.

3 Upetah Bima watjasyat.

4 Udjanya, singgih Maradja Bima, kami maka ngaran Brahma, aringku maka nga-
 5 ran Wisnu, tjarakanira Sri Tjandra Berawa, sanggama Bhatara Cura, sira sang amu-
 6 ter ring Dewantara Nagara, awataranira Bhatara Tjatur Dasa Manu, Sri Swayambuwama-
 7 nu kula sira nguni, kunang patakwanta nararya Bima, ring wangsa maai, wangsa par-
 8 ya kula maai kabeh, hanangke sapa-suking Dewantara Nagara. Mangkana ling Si Brahma,
 9 misinggih arinya Si Wisnu.

10 Tena Dimah wiramanti.

11 Keangan swatjita Nararya Bima, ling nira, toh kita Brahma Wisnu, tan weruh
 12 kami ring udjarta, wangsa paran sinanggah ta wangsa parya, Brahmana, Ksatriya, Wesya,
 13 Sudra.

14 Brahma watjastute tasmat.

15 Ling Si Brahma, taha yan mangkana, kadi lingta Nararya Bima, angapa kali-
 169b 16 nganya swantahangkwa linganta, kami maka wenanganya, Brahmana kami, Ksatriya kami,
 17 Wesya kami, Sudra kami, mangkana kalinganya Bima.

18 Nabastjan sandi swarastja.

19 Ling Si Bima, mne mne Kamung Wisnu mwan Brahma, angapa djatinya ingke, /
 20 sang weruh ring kalinganing hadji Brahmana tatwa, weruh ri tweeking pudja, mantra,
 21 mwan ri twasning Sapta Gangga, katekeng Mudranya saprakaranya, tan arepeng rabya
 22 larangan, tan kataman wyahara irika, tan mresawada, tan pisunya, tan tjedangga, tan
 23 areping toh-tohan, darma sastra djuga gunitanira sari-sari, amangan sarwa sutji,
 24 tan pudji ring awak, yeka Brahmana djatinya. Kunang sang maha Ksatriya ingke, sang

170a 1 Ratu weruhing sesana, mwan aste swarya, ngelaraken tjatur dasa upaya, anuraga si-
 2 ra ring rat, weruh ri kalinganing tjatur wangsa, usaha mahaywang Bhuwana, supeka
 3 ring pantja nreta, tegog madana punya, weruh anibakaken danda niti, tepeting tutur
 4 ring adarma, satya ring kaya watjana, tan bhita ring satru sakti, weruh angulaning
 5 wadwa, mawelas ring wang kawelasarep, tan amangan sarwa baksa, tan harep arabi lara-
 6 ngan, anganggo ri kalinganing hadji, amarahakna darma ayuning rat, yeka Ksatriya dja-
 7 ti ngaranira. Kunang sang murtining Wesya, masabapara magaga sawah, weruha ring sa-
 8 lah knaning dana punya, weruh ri usyaning pala bungkah pala gantung, nityasa ngut-
 9 ptining mretaning nagara, satya bakti ring Sang Dwidjati, ndyang Dwidjati ngaranya,
 10 Sang Brahmana mwan Sang Ksatriya, weruh amarahakna basa sor aruhur, weruh ring so-
 / tan hana wang agama tjatur wangsa, haneng Dewantara Nagara, mingsorira Sri Tjandra
 Bherawa. Brahmastawa tjagastjati. Ling Si Brahma, ade patakwanta Sang Bima,
 hanangke tjatur wangsa, swantahan kwa linganta, kunang Sang Brahmana ingke,

170a 11 taning lemah, rembet garyanging pratiwi, weruh ri pasurup-surupaning pantun, yate-
 170b 12 ka darmaning Wesya djati ngaranya, Ruceng laksanakaning Sudra, wenang akraja wikraja,
 13 kraja wikraja ngaranya, madolangweli, adasang ngalayar, mahawan bahitra, nagawe mu-
 14 lyaning djagat, ngutpti upaboganing djagat, upaboga ngaranya, sarwa pangangge mwan-
 15 wastradi, nkakenikang dura desa, ngadohaken ikang aparek, seba bakti ri sang tri-
 16 wangea, wenang pinaka njekor ring Sang Prabu, sanangkana darmaning Sudra djati nga-
 17 ranya, mwan kami Si Brahma, mwan aringku Si Wisnu, apan weruh ri kalinganing na-
 18 wa natya, mwan Mantri sasana, weruha kami angayaping Tuhan, Tande-Mantri pinaka
 19 wangea mani, adyapi tustusning Brahmana sakti mulanya nguni, anoga tan weruh sira
 20 ring kalinganing Brahmana ling hadji, adyapi sang Ksatrya tustusning ratu sakti si-
 21 ra nguni, yan tan weruh sira ri kalinganing ksatrya, dudu sang Ksatrya linging ha-
 22 dji, mangkana kita Sang Nararya Bina.

23 Sparsanah tanudjedinah, tewyah asam pariyanti,
 171a 1 kenastjit panditah sitan, pratipah sruti tjeranti.
 2 Mapega swatjita Sang Wrekodara, tinukel tukel nyeng hati, salah knaning u-
 3 djar, hana malang mudjurnya makweh, tan weruh Sang Bina amarakna wuwus, kasengkwan
 4 angenangenira, ling nira, lah kita Brahma Wisnu, aterakna mani mareng Tuhanta, i
 5 Sri Nata Bherawa, sangkayan malawas kami arep weruha ri Tuhanta, yangde weruha kami
 6 ri swadarmnira, mangkana ling Sang Wrekodara, misinggih pwa sirang Brahma Wisnu,
 7 tandwa lunaku sang tigang wang irika Sang Bayusuta, masmadaken tingalira sakanda-
 8 kaandaning pomahaning wang, tan hana huryaning Sanggar Dengan mwan Sad Kabhyangan,
 9 modjar Sang Bina lahya kita Brahma Wisnu, mambya lunaku aparan kodjaraning agananta
 10 hananke, sahobing Bumi Dewantara samuha, warahakna ring kami, susahur Si Wisnu,
 11 singgih maradja Bina angedji pegat ngaraning yasa ngke ring Dewantara, pegating wa-
 12 rah, pegating banten paryangan, donya tangna Sanggar Dengan ri pomahaning wang ka-
 171b 13 beh, sangke pawangunira Sri Tjandra Bherawa, kewalya darma djuga ginengen haneng sa-
 14 rira dawak, marya guru, marya sisya, marya Dewa, marya Bhuta-kala, kewalya manusya
 15 sakti ginelaraya ring sarira, denikang poradjana kabeh, mangkana lingnya Si Wisnu,
 16 inaywanta de kakanika Si Brahma.

17 Udgatah nimasastjati, pate yawo garbho dani,
 18 Brahmastja gantu miradja, wisnwa Bina wiwardjatih,
 19 Syatitan larinira Sang Bina, datang sirang pasokageng, tumama Si Brahma na-
 20 reng djro kadatwan kari Si Wisnu mwan Sang Bina haneng wanguntur, kahadang Sri
 21 Tjandra Bherawa sinewa de asta Dewanira, datang Si Brahma magyang ngaturaken duta-
 22 nira Sri Astinapati, ling Sang Prabu, kinon agya tumama ri sira, wawang tekang tja-
 23 ra Si Brahma ngudjaraken ring Sang Bina, mwan Si Wisnu sigra tumameng dalem kade-
 24 twan, manambah Si Brahma Wisnu, i djeng Sri Tjandra Bherawa, sang anama Bhatara Guru
 172a 1 Ling Sri Tjandra Bherawa, du lakingsku kita Bimasena, bage kamayangan kita datang
 2 parangke, ingke kita lungguh ri samipaninghulun, haneng Singasana palungguhanta.
 3 Ling Sang Bina, singgih Sri hadji ndah keantebya kna kami de hadji, tekwan tembe
 4 datang parangke, ling Sang Prabu, ndan lungguha huge kita Bina.

5 Aungkaram pranukare, abah stane panta dwayam,
 6 pastjat tjatat tjewapatih, tulyah asta Dewa stitah.
 7 Awiwaksitan pwa sira, prasamlungguh Sri Bherawa mwan Sang Bina, hinaya-

- 172a 8 ping tanda Mantrinira, sang pinaka asta Dewata, ling nira Sri Tjandra Bherawa,
 9 lahya kamung Tanda Mantri makabehan, kita Iswara, Mahesara, Brahma, Rudra, Maha-
 10 dewa, Sangkara, Wisnu, Sambu, mwanng Tjatur Loka Pala, pantja Resi, aywa wisareti,
 11 i pawekas mami ri kita mne, apan tjandyaning Dwapara yusaning rat kabeh mangke,
 12 kunang yan hana Ratu darma nuraga ring rat, utsaheng hadji weruh ri sakadama ma-
- 172b 13 ni, aywe kita sangsaya makabehan, saksat tunggal pasariran mami ri sira, aywa kita
 14 langgyana manambah kita ri pada pangkadjanira, sapodjarnira tinut, nda yan hana
 15 Ratu yukti mangkana, pinaka sopanan mami muliheng Sunya Bhawana, kannanya rakwa
 16 pinaka Tuhanta, yeki anakinghulun stri paripurneng hayu, sang anama Dyah Ratna Sa-
 17 sangka, ya pinaka tohaningwang, adwa kamuksaning darma sastra, stiti bakti kita
 18 ri sira, dadi swapitaning ratna-wadu, samangkana kita kabeh, tjihnanta darma satya
 19 ri kasi, ndan ri kapedjahanta glaha, wenang potjapan ri kami mwan, masampri ring
 20 Suralaya djmah, engetakna pawekasangwa ri kita kabeh.
- 21 Tatwadjanam sariretu, wasanam prana nudjayet,
 22 sapta gangga samudbawah, sapta buh guhya rotjyate.
- 23 Kumwa tingkahing hadji Bhwana-sarira, kaweruhakna denta, sangkyaning sap-
 24 ta patala ring sarira, mwanng sapta Bhuwana, sapta parwata, sapta gangga, sapta Sa-
- 173a 1 gara, sapta Gni, tekeng sapta Sunya, mwanng tilingning hadji nadi kabeh, marwana
 2 magengadmit, ikang prakaseng sarira, sakramaning pramana, tigang puluh tiga, lwir-
 3 nya, sipramana, apana, samana, uddana, byana, naga, kumara, krekara, dewadatta,
 4 danandjaya, prapantjaka, gandari, kowera, baruna, yeka sama satjiwa patining bayu,
 5 muwah tjaraniya, indrapana, kumara, kurama, bima, kasmara, nilandjar, pitakara,
 6 berika, murtika, prakasa, angkara, keswarya, usaha, nirmala, anuman, sugriwa, ang-
 7 gada, nila, djambawan, makadiya Sang Hyang Bayu, masamagama lawan sang asta nis-
 8 trinira, ika kaweruhakna stananya, mwanng swa karya sowang sowang, haneng sariranta,
 9 ikang pramana sanunggal, amawa lara sapuluh suwang, ya karananing wang sanunggal
 10 amawa lara tigang atus prasangkyanya, haneng tutur bwana sarira ulikenta, mangka
 11 ling Sri Tjandra Bherawa, manambah Tanda Mantrinira kabeh.
- 173b 12 Amam Sri Dewantarastja, atah prano santanastja,
 13 Kwah matanja Sri Dewantara, ri Sang Wrekodara, lahya kita Hararya Bimasena,
 14 apa doniprayodjananta datang parangke, sagotjara lawan inghulun, lah waraha duga-
 15 duga ring kami.
- 16 Pranata nudje widnjeyah, dute samakyate narih.
- 17 Ling Sang Bisma, sodjar Sri Mata Bherawa, kami pinaka duta de Sri Maharedja
 18 Kresna, mwanng kakaninghulun Sri Yudistira, sang pinaka Nataning Bharata warsa man-
 19 dala, inudesa kami anglawadi kang wang salah ulah, sang sinanggih gamya gamana,
 20 sang agawe sangarning djagat, lawan waneh yan hana kadi kita Prabu, yan pirang ra-
 21 djya kunang, tan harep masampri ri sira Natanku kalih, sang anama Kresna Yudis-
 22 tire, hana hyunirangluruga negaranira, harep manglakwa swadarnaning keatryanira,
 23 mahyun malahalahan pedjaheng ranangga Bumi.
- 174a 1 Lawan muwah hana purwa darma sasana winawanira, kanistjayan denira, pasung-
 2 ira Kaki Bhatara Yama nguni ri sira, sakeng niti Bhatara Mahadewa, inadjengan de
 3 Sang Hyang Nawa Dewata kabeh, mwanng Resi Dewa Gandarwa, lawan tjatur Lokapala, ndah
 4 sampun sinaksenan de Sang Hyang Surya Tjandra, restyaning agama Trikaya-Parisuda
 5 ngaranya, lwir soktaning hadji, sakuwu sakuwu ikang wang, kinen agawe Sanggar De-

174a 6 ngen, mwanng Kabuyutan, mwanng Sadkahyangan sahebing sadessa-desa, mwanng ligyaning ra-
 7 re panjudamalaning dumadi, muwah ring ihatra-paratra, winoh pratekaning sawa, panju-
 8 damalaning ataa lepaseng madya-pada, mulih ri sangkanye nguni, naka nguni denya bak-
 9 ti ring Dewa, mwanng Shuta tarpana, pinudja deni sang Brahmuna tjatur Asrama, sang pi-
 10 naka purohita Sang Prabu, ya rakwa sinanggah Pantja Yadnja, karma sanyasa ngaranya
 11 waneh, samangkana linging purwa darma sasana, nahan ling Sang Bayu Suta.

174b 12 Dewantare watja srestah, pralapan Rima tekastjit,
 13 ngasitkale sloka tewyah, Duryodanetja srayante .

14 Modjar Sri Tjandra Bherawa, duhaum kita Nararya Wrekodara, kami matjarita
 15 kita, weruh kami ri soktaning udjarta, nguni hana paminang Sri Duryodana ri kami,
 16 tan aptingku ri darma sasananing Keatrya sura mabarata, tanahyun nami mapranga la-
 17 wang Sang Pantja Pandawa, apan darma djuga ginoga nami, tan hana tjihmaning nami
 18 wangla ring sang Nata kalih, sang anama Kresna Yudistira, pira kunang wang asraya-
 19 wisraya, sakangke Dwarawati, sakeng Dwarawati parangke, swa gunaning tambang-laya-
 20 ran ngaranya, tan hanang averana, ndya don nami, wangla ri sira,

21 Upotah watjate tasmim.

22 Kunang mangke warah ta ri kami, weruh kami ri mulaning agama Trikaya Pari-
 23 suda, pawangunira Sang Hyang Mahadewa, pahemanira ring Agra Kelasa nguni, mwanng De-

175a 1 wata kabeh, mangke sampun kakaratala de kakanta Sang Yudistira, winyapakeng madya-
 2 pada, tinuting wang sahebing bharata-warsa, tatapi, donikang wang sigra manut, adje-
 3 rih ri Sang Nata kalih, apan sira maha sakti, ikang wang tumut, tan weruh ri kalinga
 4 ning darma sanyasa, ri prakretining wang anambah artja kabuyutan, kewalya sambah-
 5 sambah djuga ktikang wang, wang asing tan manut ri gati mangkana, gawenen pakriya-
 6 baya, tiniban danda niti de Sang Prabu, ndan sira sang manutaken manambah artja pra-
 7 sada, tan weruh ri kalinganing kang sadkahyanganing sarira, tan weruh mulaning sea-
 8 bah, tan weruh ri tungtungni sebah, syapa sang sinambah, apan tan hana swa Dewa ha-
 9 neng prasada, adyapi ring meru, kabuyutan kunang, reh swadjatine sunya, gawenen pra-
 10 lingga artja, tjinitra rupaning Dewa, dening taru tjandana, gawenen banten, tonge-
 11 ten ring wang akweh, yan tjuntaka pamongmongnya, henengen tang prasada, tan hana De-

175b 12 wa masabda, den gawenen banten, yan henengen katekeng kawekas, tan hana Dewa turun
 13 akuru tan pabanten, adyapi tang yadnja, ingke ring Dewantara, tan tahu hanang pra-
 14 tjaru, syapa hana manggih wangkening Shuta Kala, pedjah tan pemangan tjaru, muwah
 15 lihaten tikang artja tan pabanten, teher rupanya kadi nguni, yan amoten gutuken me-
 16 reng sukut, tan hana sopayanya, apan weruhing dawak ngaranya, takuten swagawo dawak-
 17 nya, magawo kwehaning swakarya, tan hana pala bukti tinemu, lawan waneh, konen ta
 18 ikang wang mayadnja, denya telas mulyanya, rinebuting wang akweh, lyan pina daksina
 19 ri sang amudja, sengguhen maturan ring Widi, sira Sang Hyang Widhi tan weruh amangan
 20 banten, katekan riputusing swa karyanya, tan hana Widhi tekanugraheng sira sang hu-
 21 wus mayadnja, saksat kna beda mulyaning wang ~~akweh~~ mangkana, balinya yan arep ma-
 22 nambah kayu kayu, apan ikang Sanggar artja sarwa taru, rahayu hanong tuhuhanya sea-

176a 1 bahen, tan magawe kadurlabaning idop, mangkana ta kita Sang Wrekodara, kami tan ha-
 2 na harep tinut ring wang suda, pati banten-banten ika pati sebah sebahika, kami
 3 tan adjrih ri wang maha sakti, kami tan wanya ri Sang Kresna Yudistira, yan sira
 4 ngruhuni kroda ri kami, kami tan harep mundura, Keatrya djati kami, yan kita Bina
 5 turung weruh ri swa darma nami, ndah tibgken kruraning gadanta, rikami, apan swadja-

- 176a 6 tining darma ngaranya, tan masoreng kerura rupa, kami duga duga ri kita, Bima,
 7 didine kita weruha, basninen mami tan kataman geseng, lebokakna kami ring tlenging
 8 Samudra, tan kumlema, pendeman kami tanawuk, tinwekan kami tan kokaninan, i weruha
 9 kita Nararya Wrekodara, warakna ri kakanta Sang Yudistira, mangkana ling Sri Tjan-
 10 dra Bherawa.
- 11 Wresada swah kopatyastja, Bherawyan sapakna narah,
 12 nivedyan Dewa tarpanam, grehyato Dewa sodinah .
- 13 Ling Sang Bima, singgih Sri Bherawa, kita maninda ikang wang magawe Parya-
 176b 14 ngan, sinaambah ingwang gawe banten manambah Dewa, apan pawangunira Sang Hyang Wi-
 15 dhi sastra ika, hinsywan de sura sanggya, panjuda malaning dadi wang, kunang yan
 16 wonge tan pagama, dudu sinanggih wang ngaranya, hiaper sarwa prani swang sarpa sa-
 17 to gatinya, kita mangke ring Dewantara kabeh, apa swadjatining swakarmanta, denabe-
 18 ner aturakna kami ri Sri Kresna Yudistira.
- 19 Sakti brat Dewantarastja.
- 20 Ling Sri Bherawa, sodjar Sang Arya Bima, tan hana kami maninda pagawening
 21 Dewa kabeh, ri suksmaning igama tiga, kadi lingta igama tiga, ikang wang yan tan
 22 anut igama tiga, sadrasa lawan sarpa sato ikang wang, sungeang tjarik udjarta, ki-
 23 ta magawe pralingga marupa sarpa sato ring paryangan ta, sinembahing wang kabeh,
 24 saksat mungeng kawangenta, kami tan arep milu ring wang muda mungeng, saksat angu-
 25 gwani wang kadewan dewan, tan weruh ri kalinganing tutur djati.
- 26 Badjanam tjarya teyamah, widah sastra wiwardjita,
 177a 1 badjra daren i gadyesu , natja Widhi karma guhyam.
- 2 Tambe kita Bima, didine kita weruha, ri mulaning swagaman mami, kami manga-
 3 dji Badjradara ngaranya, Sang Hyang Adibhuda sahitya mami, inakriya wahya, apan
 4 hana Dewa Widhi ring sarira, akweh pwe kang wedana haneng sarira guhya, maka pala
 5 weruha muliheng dadi, weruha ri lepaseng dadi, maka don katjakrabawa muwah, apan
 6 ring sarira mulaning kawah loka, ring sarira murtining swarga loka, si pagawenya
 7 dawak amangunaken swarga naraka, kewalya kami tan harep ring swarga naraka, ikang
 8 wang papa budi harepamangguh swarga loka, swarga tyutja, naraka tyutja, ika karwa
 9 kawyapaksasangka kalanyan datang, tunggal ring tekaning suka dukka haneng sarira,
 10 nguniweh yan hana wang luputa/ri suka dukka/yawataurip, ika wang bagya manta ngara-
 11 nya ring rat, separanya wang mangkana tan kinalaran dening kadang mitranya, samang-
 12 kana swadarama mami, warahakna ri Tuhanta Sang Kresna Yudistira, ling Sri Tjandra
 177b 13 Bherawa mangkana.
- 14 Aham neyastja tjaranti, maha traya Dewantaram,
 15 awakyan Bima gantjante, sewya manah Yudistira.
- 16 Manwit ta Sang Wrekodara, sangkeng Dewantara nagara, tan wuwusen kadohaning
 17 swan, datang sireng Astina Pura, matur ring Sri Kresna Yudistira, kadi pangudasina
 18 Sri Tjandra Bherawa, ling Sri Kresna, singgih kaka hadji Sri Yudistira, tan pade-
 19 yanygrinta ri pamrotsaha Sri Tjandra Bherawa, sugyan angne twasning maha sunya, a-
 20 pan akweh prabedaning tutur ginawe de Sang Hyang Widhi, tatapi sotaning gawe ngara-
 21 nya, tan hana djuga tjeda karanya salah sawidji, sumahu Sri Yudistira, singgih re-
 22 ri Sri Maha Radja Kresna, kaya wreta Sri Tjandra Bherawa, apan mahabara wekasing
 23 tatus, tekwan yoga sanyasa pariwretanya, susuk sima brata sang nisreyasa. wekasine

177b 24 mahotama rasika, tatapi yan wahya kneng loka dresta, tan hana kotananya inuraken
 178a 25 ring loka, yan winehaningwang muda durnaya, kunang waneh, ikang Bumi kurang sopak-
 2 ranya, kamanyan tang Mandala tan hana sinanggih sutji tjampur ngaranya, yan turung
 3 inuraken nini wedya, bondan ngaraning djagat yan mangkana, ling Sri Kresna, sadnja
 4 Sri Yudistira, kami amarahakna, magawe duta rumuhun, labya kamung Ki Patih Kirata,
 5 kita kinon deninghulun, sareng Bumi Dewantara, warahakna Sri Tjandra Bherawa, teher
 6 magaweya Sanggar Kabuyutan, swang Sad Kahyangan, yan tan hanut kaya sodosa nami, wa-
 7 rahakna kami englurug swanagaranira, lah kita mangkata den enggal, sigra mwitanembah
 8 Ki Patih Kirata, tandwa lumaku.

9 Tatewa duta gastjati, sati Dewantare watja,
 10 akrentam tameradjyastu, swam radjestu tepaksah.

11 Tan wasiteng awan larinikang duta, prapteng Nagara Dewantara, sampungang-
 12 gih kala desa, tumameng djro kadatwan, numareking Sri Tjandra Bherawa, ling nikang
 178b 13 duta.

14 Puman puspitastja wudah.

15 Sadnja hadji Tjandra Bherawa, kami kinon de Sri Mata Kresna, unatur ri djeng
 16 Sri Bupati, kunang Sri Maha Radja, inudesa de Sri Mata Kresna, eka paksa makarya sa-
 17 nyasa, maka don Sri hadji sampun weruh ri suksesaning yoga sanyasa, kunang ri loka
 18 dresta sinanggih kurang Sri Bupati, kamanya haneng sekala ikang yasa karma sanyasa,
 19 haneng sarira guhya sukirti hadji ikang yoga sanyasa, yanikang yoga sanyasa djuga
 20 damel Sang Prabu, tan hanang lemah larangan sutji tjampur ngaranya, apan tan kneng
 21 Widi-widana, tiniban pudja mantra samadi, bondan lwir nikang pratiwi, ajpananreta
 22 palapaning bumi, salwirning pala bungkah pala gantung, pada hina sadresa kodjaring
 23 sastra, gatiningwang hina punya ring Sri Bhacundari, heman tang wretaning buwana,
 24 tan sukkabek Bhatari Sri Dewi, mulating wang tan pagama, apan sira hyang hyangning
 25 sarwa widja, mangkana katjita de Sri Yudistira, kuwa don sipatik Bupati, inutus
 179a 2 datang parangke, maka ngaran sipatik Kirata kami, kunang ling Sri Mata Kresna, inu-
 2 desa Sang Bupati, magawe Sanggar Kabuyutan, tatapi yan tanangga Sang Bupati namut-
 3 akna, den agya Sang Mata amangunakna byuha, mayat inurug swa nagara hadji, de Sri
 4 Maha Radja Kresna, mwan Sang Pantja Pandawa, mne saptang dewasa harep datang parang
 5 ke, mahyun ri sanggraha karya, denagya Sang Mata rabdang sandjata, samangkana pa-
 6 ngudesa Sri Mata kalih, sang amutereng Astina Pura.

7 Hanarmam srawanah djano, priya waditwa mityahuh,
 8 kiraratah makyanas drestan, prahitastja djanar-danah.

9 Gumayu Sri Tjandra Bherawa, saha priya watjana, duh kamung kita Patih Kira-
 10 ta, hahah, mangkana ling Sri Mata kalih, sang amutereng Bharata warsa, salah arep
 11 kami agunita lawan kita, betjikana kita pamantuka huge, warahakna kami tan kemu-
 12 teng satru sakti, sadede singgih Tuhanta kalih, mangayagyan kami weruha ri kama-
 179b 13 hatnyan Sang Mata Kresna, apan Si Kresna djuga nakgabekang kroda ri kami, kanistja-
 14 yanya apan Wisnu Murti, roh brahmatya katatwanya Sang Hyang Wisnu nguni, katjepa
 15 de Sang Hyang Gana, duk hana ri Yawa Bwiwa Mandala, mangkana kamung duta, warah a-
 16 kna sabda nami ri Tuhanta Sri Kresna, nahan ling Sri Tjandra Bherawa.

17 Tya djati duta mityaktam, drutah wegastja sambawah,
 18 akulan astinam dipan , awarantam watjah tadado .

179b 19 Manwit pwe kang duta, watang lumaris, tan kasiteng awan, prapteng Astina
 20 Radjya, tumameng dalem Kadatwan, numareki Sri Maha Radja, telas inaturaken sapa-
 21 warah Sri Tjandra Bherawa, krodambek Maha Radja Kresna, hinaywan de Sang Bina Ar-
 22 djuna, Nakula Sahadewa, padagya gumosanang Tanda Mantri swang Sena Pati, tekeng
 23 partiva pekaswa gadjah wahana, pada sangkoping warayuda, byatita ikang kala, en-
 24 djing mangkat sang nrepeng Astina, saha swa gadja rata sangkepan, koringing peka
 180a 1 sura dira, aksohini wurdanya, aprakirna pada rabdang sandjata, greh guenter swa-
 2 raning aredangga kala beri gubar tinabeh, lwir muntwanang dik mandala, swang pa-
 3 sangganing balasurakanguwuh, kaya kutuging ryak angasut, yan pirang kulem ring a-
 4 wan, prapteng tepining Dewantara djana pada larutikang wang pora dusun dusun, pa-
 5 domegileng nagara, mawaraheng Tanda Mantrinira, tandwa mangkat sang apatih Witara-
 6 ga, sang apatih Mangkubumi, sangapatih Dewatantaka, tumut tang bala sangga, pada
 7 snaheng warayuda, tan wawusen nikang laga, akweh tang pekangmasi paratra, pedjah
 8 sangapatih Witaraga de Sang Ardjuna, pedjah Sang Amangkubumi de Sang Wrekodara, po-
 9 djah Sang Patih Dewatantaka de Sang Nakula, irika larut sakwehning bala parya, wa-
 10 wang Si Brahma Wisnu matur ri djeng Sri Tjandra Bherawa, midjil Sri Dewantara sang-
 11 kari djro kadatwan, iniringi asta Dewanira, kapwa tan winoh amawa sandjata, ikang
 12 Patih tiga sang sampun pinedjahan, tan weruh ri adnja Sang Prabu, anrih kayaning
 180b 13 Tuhan. Tutjapa lampah Sang Nakula Sahadewa, nganutaken palaywaning ripu, kapapag
 14 Sri Tjandra Bherawa, mangkat tan pasandjata, ling Sang Nakula, angapa kita Sang
 15 Tjandra Bherawa, malaga tan pasandjata, ndak aset sandjatanta, ling Sri Tjandra
 16 Bherawa, be kamung Nakula Sahadewa, kanyu tan weruh ri sandjatanku, kanyu tkasa-
 17 wa sandjata, niyasa kita tan weruh ri sanning sandjatanta, tan sida mati kami don-
 18 ta, lah tibaken tweekta ri kami, kroda Sang Nakula Sahadewa, tjikinambulan Sang Bhe-
 19 rawa, stiti sira tan pangrati sbit wayawanira, gusuyu-guyu Sang Bherawa, sinanbya-
 20 met watu sira tumalandangi tweek Sang Nakula Sahadewa, bentar tang watu, ling Sri
 21 Bherawa, kamung Nakula Sahadewa, bentar tang watu dene tweekta, kami tan kabanana
 22 lewas, yan kwa malesana kita, pedjah kita tan pasara, keangan ta Sang Nakula Saha-
 23 dewa, malayu pwa sira, madjaraken ri kabananira Sang Ardjuna, ri teguhira Sang Bhe-
 181a 1 rawa.

2 Danandjaya dire dirah, bawisyate swastjati,
 3 santapa yanti teripuh, sangga tastja prawak ayani.

4 Brahmadyambek Sang Ardjuna, bawisyati mangkat sira tumanduk ri Sang Bhe-
 5 rawa. Ling Sang Parta, ^{apa} kita Sang Bherawa malaga masalah sandjata, tan ulahing dira
 6 purusa, ling Sang Bherawa, kami amawa sandjata, tatapin kita tan weruh ri wara yu-
 7 dangku, ndah glaren hadji Danurdaranta kabeh, mangkana ling Sang Bherawa, kroda Sang
 8 Danandjaya, yinugapad hadji nira, huwus ingeketana, linepasaken tan sara sampata,
 9 swang Sang Hyang Pasupatyastra, tan pangrati sbit Sang Bherawa, ling nira, boh ko
 10 Sang Ardjuna tan mati kami dene werayang ta hiku, ikang sara sampata swang pasupa-
 11 ti, sara ngaraning sabda, sampat ngaraning sarira, pasu ngarangbetjik, pati nga-
 12 ran sarining wuwus, sedeng Sang Karna pedjah nguni deniki, apan ya tan weruha i
 13 rasaning pasupati, sang suksmaning hyang hyangning wuwus, lawan Sang Watekawatja,
 181b 14 sedeng ya pedjah deniki, apan ya goragada, ri tutuk djuga kembanging sara sampata,
 15 kaweruhanira sang watekang hadji, haneng tutuk djuga weruh nira, ndan sang turung
 16 tepet pedjah djuga denta dene sandjata iki, tekwan eweh pametang wang sang tepe-
 17 tingutjap, dene rikani kaananya kami weruh ringwi sarining wuwus, tan kami pedjah

- 181b 18 dening sara sampata mwanng pasupati, adyapi tikelaknanta, mantraning pasupati, i-
 19 kang tjatur sargah, tan hana wang mati dene sasonteng, mangkana ling Sri Dewantara,
 20 Niwretih Parta widajeyah, Sri gradjastu Bima diritah,
 21 nasyanti gada tepaksah, wadi pralemba tekastjit .
 22 Mala djengta Sang Ardjuna, madjaraken ri kakanira Sang Bimasena, kroda
 23 Sang Wrekodara, sigra mangkat sira, hana taru bundi maruhur sakol gengnya, dinahut
 24 de Sang Wrekodara, tandwa pinuternya, pinupuh Sang Bherawa sinawat, tinudjah, rem-
 25 puh tekang taru undi, sinikep Sang Bherawa pinrep, dinekung, dinugang, sinungsang,
 182a 1 rinerengaken, tan katjurnan Sang Bherawa, neher pinundut Sang Bherawa ri djroning
 2 sumur, linebwaken de Sang Bimasena, ri sumur dahating adjro, akambangan tan wenang
 3 mingsor Sang Bherawa, kroda Sang Bayusuta, mwah dinawutaken tal, papandjang, ^{nys} tjimu-
 4 tjuk, sinula, tinudjah, djinalak Sang Bherawa ring djroning sumur, tan ^{ka} wenang uning-
 5 sor, syuh rempuh witing tal denira, masongit Sang Bimasena, pinupakaken tang watu
 6 sawetara sepuluh tumapda dawanya, binadjra Sang Bherawa haneng djroning sumur, rem-
 7 pah syuh tang watu pah sewu. Ling Sang Bherawa, apa karepta kamung Bima, lagi kami
 8 madjar ri kita, tan weruh kita ri doning huripku.
 9 Prana sutestja utjyate.
 10 Ling Sang Wrekodara, alah aku denta, pamindah kami denta, Sri Kresna karena
 11 dumeh syaku kroda ring kita, kami mawarah ri sira mangke, lumumpat Sang Bimasena,
 12 tan warnanen sira, tlas winarahaken gati Sang Bherawa de Sang Bima, ngka Sri Da-
 182b 13 nardana lunga Maha Radja Kresna, sapotjapan lawan Sang Tjandra Bherawa, ling nira.
 14 Tuan tuan Bherawi tat sakyan,
 15 Indah ta kita Sri Tjandra Bherawa, kapuhan swatjita mani denta, don tan ha-
 16 rep nagawe Sanggar Kabuyutan, tanahyun manembah Sad Kahyangan, amangan tan pabanten,
 17 ndah warahakna ri kami.
 18 Sri Dewantara widajeyah.
 19 Ling Sri Tjandra Bherawa, sadaja Sri Nata Kresna, ikang hadji Badjradara
 20 ginega mani, sang stiti Sang Hyang Adi Bhuga haneng ryusnidesa, padanira ri tung-
 21 tungi sutjika Badjra, apan tan hana Dewa waneh, yan beda sangkeng sarira, syapa
 22 bantenanana, syapa seabahen, yeka sarining hadji Badjradara ngaranya.
 23 Padmanabastja waskanbo.
 24 Ling Sri Kresna, mareng ndi pasamahitanta hemi hiku, boh warahakna.
 25 Nunam Bherawastja talan.
 26 Ling Sang Bherawa, i weruhanta nararya Kresna, irika ring rasa nirbana
 27 stiti rumuhun, ring silagamana denya kawekas, kunang yan haneng sarira tan hana
 183a 28 lwiha sangkeng atma djuga, yan muwah gawonen Sanggar, ring Sanggar tunggunen tang
 2 atma, atma salah para ngaranya yan mangkana, tan urung amanggih lara meh katokan
 3 pedjah, ling Sang Bherawa mangkana.
 4 Paryeyan djanardanastja, bhunanti sastra mardjawan,
 5 Sri Maha manggala djnjoyah, Wisnu murtintja darsanam .
 6 Ling Sri Kresna, hana waneh, weruha kita ri warna Widya hiki, Sri Maha Mang-
 7 la ngaranya, mangke kami amintonakna ri kita, rep dyayinira lambana, saksana mate-

- 163a 8 mahan Wisnu Murti, atisaya krura rupa, ling nira. Tjpanen hadji nami denta.
 9 Tjandra Bherawi utjyate.
 10 Ling Sri Bherawa, weruh kami Kresna i ryadjinta, adreaya ngaranya, matapa-
 11 kan angin. Andjalatunda ngaranya, matapakan mega. Amadapa ngaranya, matapakan smi.
 12 Angganatjara ngaranya, matapakan akasa. Iyan sake rika, lagima, mahima, prapti, pra-
 13 kanya, wasitwa, wasayatwa, yatra kamawasayitwa, ya asteswarya ngaranya ktika, len
 163b 14 sangke rika, hadji sarwa krura ngaranya ika, weruh kami ri katatwanya kabeh, sakwa-
 15 hing rupanta, ndah lesunen prayoganta, ling Sri Bherawa mangkana, sonya rupa Sri
 16 Kresna muwah, ling nira.
 17 Dyayanam sarwa bawesu.
 18 Toh mangke kita Sang Bherawa, dadyaken hadjinta, kami ngaranana.
 19 Bherawan watja tatsakyan.
 20 Ling Sang Bherawa, boh Sri Kresna, nguniweh Sang Bisa Ardjuna, kapwa kita
 21 katiga, mangatonana rupangku mangke, sangkeng harep, sangkeng untat, sakeng iringan,
 22 nda yan hana tjedangga, warahakna ri kami, yeki hadji Brahmana arda nareswari nga-
 23 ranya, delengen tjaksunta denabener, saksana dyayinira Sri Tjandra Bherawa, sakdap
 24 kadi manik spatika rupanira, sabasta tadegira, sampun telas dinulu, sakdap marupa
 25 manik sutra wat, sasusti gengnya, kadi manik angeka desa sira, itelas dinulu, saka-
 164a 1 dap marupa manindra sakaniri gengnya, mahning akila-maya, itelas dinulu, sakdep ma-
 2 rupa maninten sasaha gengnya, kumulab kadi tusara ri tranging sasangka senennya, i
 3 telas dinulu, sakdap sadjawawut pinara pitu litnya, sunya tan pahamangan sira, uwe-
 4 neng Maha Radja Kresna.
 5 Anunam sanyaset sarwan, Widyastja Tjandra Sang Bherawah,
 6 nasyanti surawat dyanam, wikramah nirgamah badjet.
 7 Tan katjpa denira, ling Sri Kresna, lahya kita Sri Tjandra Bherawa, lesunen
 8 yoganta, alah kami denta tan kahidep pwa de nami suksmaning hadjinta, mne kami ma-
 9 djaraken ri Sang Nata Yudistira, nahan ling Sri Padmanaba.
 10 Modjah Dewantare watja.
 11 Sunahur Sang Bherawa, kunwa kita Sri Kresna, yan kagreha nami angadwadnja-
 12 na lawan Sri Yudistira, hana punagingku ri sira, kita pinaka saksi bhuta, span Sang
 13 Nyang Hari Murti sariranta, naka sarananing Dewata kabeh, dadi paknaning bhuwana.
 164b 14 Hana Putri nami stri paripurna, Iyah Ratna Sasangka namanika, pinaka toh de mani,
 15 ri Sang Sri Darma Putra, makgata pita tekang bumi Dewantare nagara, i weruhante Pu-
 16 tri nami, makobwa Dewi Banurasmi ngaranya, sanakanisan de nami, putri Bupati sangka
 17 dwipa sira, kula Sri tjatur dasa manu ri nguni, kaananya kita sopanangku, nadjar
 18 akna ri Sang Darma Suta, kami harep muliha ring Abirati bawana, nahan ling Sri Tjan-
 19 dra Bherawa misinggih Maha Radja Kresna, maneher lumaris, manganuseda ri Sri Darma
 20 Putra, sapawarah Sang Bherawa, tandwa lumaris Sri Yudistira, ri kahanan Sang Tjan-
 21 dra Bherawa, pada gorawa watjana sira kalih, manantwa Sang Bherawa, ling nira, du
 22 namu Maha Radja Yudistira, weruh kami ryabimatanta, amaradjaya ri kami, spanangga
 23 Bhatara Darma kita, pinaka bapa ibuning rat kabeh, amagehakna gama si Trikaya Pari-
 24 suda, nirwa tang karma sanyasa, yan tan pasamagana lawan tang yoga sanyasa, kuneng
 165a 1 mne angapa prayodjanante kami, warahakna tasen.

- 185a 2 Darma sute sakyatam , swan Dewantara widitah,
 3 darma sakyas tesuhredah, saretaastja kyatam bawah.
- 4 Ling Sri Darma Tanaya, indah kamung Sang Tjandra Bherawa, maka nimita ma-
 5 ni parangke, aminta kadibyaning swadarmanta, yan thuhu tuhu darmanta satyanta
 6 ring rat, nami harep ri kapatyanta, sambada sih sakari kita, yan weruh kami nangu-
 7 ripana kita, rehanta tan wenang mati kita ri sarwa sandjata, maka pangalya kaya
 8 udjarta, mapranidana ri kami, nahan ling Sri Darma Sunu. Sinahuran de Sang Tjan-
 9 dra Bherawa, duh suagum sang hyang hyanging Astina Pura, maha dibya temen wuwusta
 10 ri kami, aywa sangsaya kita, masih kami ri kita arah, usenusen weruh kita ri swa
 11 darma nami, yogya kita pedjaha rumuhun, nami manguripana kita, glarakna mustini-
 12 kang Siwa Tatwa gamanta, kabwataning kadwidjatinta, saka weruhana denta, kasuk-
 185b 13 smaning pamangsiling hurip, poma gegenta tasen lkasakna.
- 14 Darma santani yoginah.
- 15 Umeng Sri Yudistira, pinasang murtinira Sang Hyang Asta lingga, tekeng
 16 mudrakseranya kabeh, inuswaken tang djenjana, ring litning pantja windu, ryanta-
 17 ning Asta lingga, pinasahakna ikang agni kalawan bayu, swang misraning atma lawan
 18 Dewa, kisutang wiyoganing pantja ten matra, lawan pantja maha Bhuta, pariwartane-
 19 na ngaranira, pada mulih ri sangkan paranya nguni, umider ri wekasing Sang Hyang
 20 Astalingga, manunggal ring punanu, i sang sinanggah bapa ibuning bayu sabda idep,
 21 sinuda Sang Hyang Eretyundjaya, mataahan Sang Hyang Kala Eretyu, mesat Sang Hyang
 22 Atma maka don Sang Hyang Astalingga, mungup maring Asta sunya, pedjah Sri Darma
 23 Putra, kadi lwiring aturu pakatonanira.
- 24 Bherawyam dyayitra tawan, utpati syanu rewatja,
 25 upadyaye tri gunastja , asta daletja murtinah.
- 26 Umeneng Sri Tjandra Bherawa, suzurup ri tlenging asta lingga, inutpana
- 186a 1 Sang Hyang Tiga Sadana, kasengkwan tang anda bhuwana denira, masamahita ri Sang
 2 Hyang tri rasyadnjana, mapageh tang atma bandana, mareng stananya nguni, sanglilir
 3 Maha Radja Yudistira, malungguh pwa sira, aprang wadana sira kalih, ling Sri Tjan-
 4 dra Bherawa, sadnja hadji Sri Yudistira, marusit dahat denta lunkasa, i laksita-
 5 ning Siwa tatwa, weruhangku yan mangkana, kami wulatana arah.
- 6 Sunyatma nirbanam liyam.
- 7 Umeneng Sri Dewantara, pinasang pwa santikanira, sapradaksinanira, limpad
 8 sakeng sunyanta swang rasa tala, winalik tang wisardja lawanungwara, Sang Hyang
 9 Sadyotkranti wahananira, mesat Sang Hyang Atma mahaweneng nirataaka, datang pwa
 10 sireng Siwaloka, manangkili Bhatara Guru, ling Bhatara, datang kamung Bherawa, a-
 11 pa denta matya. Manambah Sang Bherawa, ling nira, sadnja hyang nami, maka hetu pe-
 12 tik Bhatara pedjah, sopanangkwa adwadnjana klawan Sri Astinapati, hulun aminta ma-
 186b 13 tya husen, toh yan datang Sri Astinapati, aywa winch weruha ri stana patik Bhatara,
 14 ra, ngwang mamwit mangke ta molahing septa sunya. Aseng saita tjaku Sri Djagat
 15 Guru, manambah Sang Bherawa, neher moksa sadnjamungup ring Antasunya.
- 16 Udyuktah dyana daratma, kresyante tjapariyanti,
 17 nasyanti paramatmanan , kriyante darma niwretih.
- 18 Irika Sri Yudistira mayoga darana, manikep atma Sang Bherawa, tan katemu

- 186b 19 tan katemu denira, ri windwanikang dapur tiga, meh lpas tinaha denira, modjar ta
 20 sira , aringku Maha Radja Keresna, angapa denta malotjita, an tulus pedjah Sang Bhe-
 21 rawa, sampun mungup ri Sunyanta-pada, Ling Sri Kresna, sadnja Parame Swara, yeki
 22 tjihman nyan alah Sang Bherawa, adwadnjana lawan parame Swara, apan erang sira li-
 23 newihana, i pratapa Parame Swara, an maka denya tulus pedjah, nda yan pinesinggih
- 187a 1 de hadji, gesengenta laywanya, erang tekang miring panglepanya, mangkana ling Sri
 2 Padmanaba.
 3 Sri darma watja djayati.
 4 Ling Sri Darma Sumu, duh haringku Sri Hari Murti, kagraha Sang Bherawa ti-
 5 nahanta, angadwadnjana lawan kakanta, swa darmaning Keatrya ginge de rakryan, ku-
 6 nang dangu-dangu, tan hana kasoraning Sang Brahmana, sang weruheng kalopasan, ka-
 7 lawan sang Maha Keatrya, apan beda saking kawibawaning Satrya, lolya ring kabyuda-
 8 yan, nitya sinikeping radjah tanah, matupis tang satya budhi, haroping swarga tyu-
 9 tja, kunang sang maha Brahmana, ikang budhi samyak nitya gingenira, tan harep sira
 10 ring swarga naraka, sakaweruhanira, atmahan Sang Hyang Tigadnjana, tan wisareti ri
 11 nurtining dadi wang, kawyapakeng suka-duhka, kunang kamantyan, niyata sor kakanta
 12 mangke, ri tatwa sang mahan, yan tan mahuripa Sang Bherawa, nahan ling Sri Darma-
 13 tadja.
- 14 Witjintya wara darmendah, kastah pralingyate kabam,
 15 unah Sri Nilakanta sya , pra kamyatsantja Bherawah.
 16 Henget sira ri pawarah Bhatara Darma nguni, kastah sireng Sunya-desa, ma-
 17 ngayapi pada Bhatara Nilakanta, ling Bhatara Guru, angapa putungku laki Sang Yudia-
 18 tira prasta ri kami, manambah Sri Darma Putra, sadnja Bhatara Parame Swara, tulusa-
 19 kna wara prasada Bhatara, sadrosa lah patik Bhatara angadwaken djenjana lawan Sang
 20 Bherawa, kasopen dening pwangkulun, halun amintatna Sang Bherawa, an winaweng kura-
 21 nganira miah, ndyang paranya mangke.
 22 Tryambekam sranu mawatja.
 23 Ling Bhatara Guru, duh putungku Sang Darma Putra, aywa kita sangsaya, kaya
 24 pangahanta, tan hana kita sor angenangen, lawan Sang Bherawa. Hapan erang Dewanta-
 25 ra Mata, kaweruhaken tadnjananya, an purwaning Sang Hyang Adi Bhuda ngaranya, yoga
 26 sanyasanya, tapuan hana karma sanyase ~~aise~~ ri ya, kowalya nisreyasan ginewa deni-
- 188a 1 ra, telas kagraha Sang Bherawa denta, kuwa donanya manwit ring kami, ndeh paneten-
 2 ta mareng Anta Sunya, manambah Sri Darma Suta, manwit kastaheng anta Sunya, maka
 3 sopana adining hretya weda, kakarsanong pitra pudja, apan djati weruh nira ring Si-
 4 wa garbaning atna, Sang Hyang Samaditraya panikepogaira, Sang Hyang Naga bayu badjra
 5 adnjana bandananira, kuta Sang Hyang Pantja Windu pandjaranira, ikang Prasangka sa-
 6 ra tjandra pamanah nira, kna Sri Dewantara, haneng kadahanikang Asta lingga, iaper
 7 kaya wang muds tan pasara, pina-ri werateng dyani Budha karsana, sampun sinikep at-
 8 na Sang Bherawa, sigra lumaris Sri Darma Tomadja, datenge laywanira nguni, sinurupa-
 9 ken ring raga-ragangira, stiti nireng Siwa Budha sanghita, manglilir Sri Dewantara,
 10 manambah mangabiwada sadara, ri djeng Yudistira, mapranidana pamungsu lwiring Bu-
 11 dha nwang Siwa tatwa gama, saha ngaturaken putrinira, maka nama Nyah Ratna Sasangka,
 188b 12 dadi stapitaning Nagara sa Dewantara samaha, tan wuwusen salap kna-nira kalih, pre-
 13 sana sinyang mantukeng kadatwan ring Dewantara.
 14 Awakvam naribogesu. tiatur Pandawa sewinah.

- 188b 15 harintja saradjas kandah, bogetja prana nudjayet,
 16 Apa kunang lwir i pananggraha Sang Tjandra Bherawa, maka manggala Maharadja
 17 Yudistira, mwanng Baharadja Kresna, tekeng Sang tjatur Pandawa, tumut mantrinira,
 18 mwanng bretya sasaha, ndan ri purnaning pananggraha, mangayap Sri Dewantara, mwanng
 19 bini hadjinira sang anama Dewi Banuramsi, kinanti putrinira Dyah Ratna Sasangka,
 20 pinariwrateng pariwaranira sadaya, mangaturaken tang radja mulyanira kabeh, rat-
 21 na kentjana radjata wastra lengkara, marong Sri Astina Pati.
 22 Ksatriyah hretyastja witatwan.
 23 Ling Sri Dewantara, sadnja hadji maha radja Darma Putra, pahalawentangen-
 24 angen parame swara, apan hana punagi mami ri kita Prabu, ikang kumaweruhi swatji-
 189a 1 ta mami, hana putri mami, Ni Dyah Ratna Sasangka ngaraniki, wirupa muda duryasa,
 2 astam yan tuhu asih Parame Swara, wenang pinaka padyarga Sang Bupati, nginpenaken
 3 djeng Bupati, manuhun warahen ri kalinganing pariwara, hetunyan weruha ri gatining
 4 karma sanyasa, nganutaken sadede-singgih Parame Swara, mangkana ling Sri Dewantara.
 5 Irika Bahadyan Putri, manambah ri suku Sri Yudistira, kadi kutjuping nilotpala ka-
 6 nginan pangulyating lunga yan kalihan, amatut rasmining liringnira, asemu tangis
 7 kaya kumudamaya tamedar wangi.
 8 Tatah pastjatwidan tjitan, darsanam tjandra ratna byan,
 9 karenanobawa niban, sastradnjana Saraswati.
 10 Katiksan budi Sri Darmatmadja, tumon ayu Dyah Ratna Sasangka, saksat sri-
 11 ning Saara-loka kahidepanya, yan ring kawaksara, Sang Hyang Saraswati eminda manu-
 12 sa ling nira, tjebnger twasira Sri Darma Putra, tumon ayu Ni Dyah Ratna Sasangka,
 189b 13 yaya sampun pinangkwakenira, Hawuwus Sri Darmatmadja.
 14 Darma sutih tatewatja.
 15 Aumam bapa Sri Tjandra Bherawa, aywa kita sangsaya, ringuhanta bapa kami
 16 maminta Putrinta, maka sadana manutaning Siwa-Bodha ri kita, pada ten wenang wiyoc-
 17 ga, pada wenang surup-sinurupan, yaya pasangsaning ataa lawan Dewa, imper pate-
 18 mwaning manah lawan panon, kadi rahina wengi kalinganya. Kunang wanehan, pakuwasan
 19 pwa kita, mada-mada kadi namaning Dewata, kaya gatinta dangu, adyapi tanda mantrin-
 20 ta kabeh, anutakna sanasaning manusa, lawan kawanganya, saksat brahmatya ngaranya
 21 wang mangkana, tan sida manemu ayu ripna, yan ritkaning paratra, timah dening Sang
 22 Hyang Yamadipa, lineboking kawah geni, yaya patining wang salah udjar ngaranya.
 23 Kunang kita bapa mangke, pinaka sarana mami, tumut maharadja Kresna, amagehakna i-
 190a 1 kang karma sanyasa, pinaka yayah renaning djagat, nahan ling Sri Darmasumu.
 2 Sewinah Dewantaretu, samaya watja sang yuktah,
 3 sanpriyan Dewa kirtitan, mamasangkam pramadjitan.
 4 Manambah Sri Tjandra Bherawa, sakodjar niranut, pira kunang sukaningwang
 5 amanggih sampriiti, yan pada weruh weruhnyeng hadji, saksat ataa bahistjara kahide-
 6 panya, apan pada weruhnira ri kalinganing dadi, sampun inadjengan denira maharadja
 7 Kresna, akweh murtining darma sastra ginopitan tekapnira katrini, atyanta suka twas
 8 nira Sri Padmanaba, mahyun ta sira mawarangaken Sri Astina Pati, kinon tang duta
 9 mantukeng Astina Pura, katekeng Dwarawati, masuruhan paminang sang para Ratu sangga,
 10 makadi Sang Baladewa, tekeng binihadji kabeh, maka manggala Sri Pantjali Putri,

- 190a 11 sang hyang hyanging kasatyan, tan wuwusen ikang kela, pawaranganira Sri Yudistira,
 190b 12 matemu tangan lawan Dyah Ratna Sasangka.
- 13 Riwa Sri Darma sang Yuktah, Uma Srutih sama gaman,
 14 Dewanam sungretah stryah , uwatram pari kirtitah,
- 15 Saksat Bhatara Darma sira, matemu tangan lawan Bhatari Uma Sruti, sang hyang
 16 hyangning stri patibrata, an mangkana kotamanira, huwas kinarya ngupadika, kapwa de-
 17 tang binyadji nira kabeh, maka manggala Bhagawan Donya, mwan Bhagawan Krepa, ini-
 18 ring de Sang para Ratu, maka nayaka Sri Alayuda, tan wuwusen panasuinira, tan kalu-
 19 ban rahina wengi, swakaraning panasataya, pirantadjinya lewasireng Dewantara Nagara,
 20 madandana tikang wang ringkana, mangadegakna tanda mantri mwah, pinaka bahu danda
 21 Sri Tjandra Bherawa, pada sinungan adnja pralapa sakeng Sri Astina Pati, mwan ga-
 22 tining karma sanyasa, ikang sinangguh TRI KAYA PARISUDA, purwakaning wanging De-
 23 wantara magawe Sanggar Dengan, mwan SAD KAHYANGAN, yeka padantan kawenang lewas,
- 191a 1 pinaka paknaning DEWA YADNJA, mwan BHUTA YADNJA, sampurna sinung pali-pali, sawo-
 2 tuning wang mwan PITRA TARPANA, tan hana wani langgya ri adnja Sri Yudistira.
 3 Awiwaksita rakwa, riulih sang Ratu pininang kabeh.
- 4 Wadyanam Tjandra kiranam, badjet sakyam Yudistira,
 5 tjatswarte Pendawandjalih, tjetat Pantjali Putrikah.
- 6 Tutjapa Dyah Ratna Sasangka, satya bakti ri Sri Yudistira, mwan ri sang
 7 tjatur Pandawa, amari-wara Sri Pantjali Putri, suka twasira Sri Tjandra Bherawa,
 8 ingadegakna karatwanira muwah, de Sri Astina Pati, sinangguh Prabu Adi Budha sira,
 9 pinakatma raksa sira, angdani Bhuwana, tanilang takwanakna, pastjat ri gatining ka-
 10 wawa, byatitan kala lunga, mantuk Sri Astina Pati, Sri Bhagawan Donya mwan Dangyang
 11 Krepa, manggalaning lumampah, tumut Sri Kresna Baladewa, pinari wreta de Sang tja-
 12 tur Pandawa, mwah binyadji nira kabeh, keringing paritjsarikanira sadaya, maka pa-
 191b 13 ngruhun Sri Pantjali Putri, taniaba mwan Sang Putri Dewantara, pada sinanggrahong
 14 wahana, tan hopen tang bala samuha, byatita lampahireng awan, sampun prepteng Asti-
 15 na Pura, mantuk ta Sang Alayuda, mareng Madura Radjya, Sri Kresna mantukeng Dwara-
 16 wati, akveh yan wuwusen, ri huwusing djagat anut sarasaning KARMA SANYASA.